

O loo taumafai le Connect Smart (Fesootai ma le Atamai) ina ia tatou nofo silafia i le t̄aua o le saogalemu o galuega o loo faaaogā ai masini komepiuta, ma sailia auala e puipuia ai oe a o fai au fesootaiga i luga o le initaneti. O le a aogā mo tagata uma o Niu Sila, pe a mafai ona tatou malamalama atoatoa i le aogā o le initaneti, a o faaaogā i se auala e saogalemu. I nisi faaupuga, ia faamasani e fesootai ma le atamai, pe i le faaperetania, Connect Smart.

## Connect Smart – puipui au fesootaiga i le initaneti

1. Aua e te nofoa'i ina ne'i e tuai – ia vave ona e gaioi; ia faaleleia nei loa le auala e puipui ai au mea uma o loo alu i polokalame faakomepiuta (digital security) a o lei afaina oe.
2. E faigofie ona puipuia au mea o loo alu i polokalame faakomepiuta – e lē faigata pe taugata le faia o laasaga autu e puipuia ai oe ma faamatalaga uma e patino ia te oe.
3. Puipuia uma mea o loo e faaaogāina – e tutusapau le t̄aua o lou saogalemu i lau telefoni smartphone ma lau tablet, faapea ma lou saogalemu i lau PC poo le laptop.
4. O le puipuia o oe e mafai ai foi ona puipuia au uo, lou aiga, ma lau galuega – o lou faatalalē i faamatalaga e patino ia te oe e telē sona aafiaga, ma e mafai ona matautia ona āuga mo oe ma isi tagata o loo e iloa.

## E faapefea ona ou puipuia a'u a o o'u faaaogāina le initaneti?

### Upu Tatala (Password)

- Ia faamautinoa e eseese uma ni upu tatala (password) o loo e faaaogāina i au masini o loo fai ai au fesootaiga i le initaneti, e pei o lau komepiuta desk top, laptop, tablet, ma telefoni feaveai, ina ia malupuipuia ai.
- Faaaogā ni upu tatala e faigata ona mate'ia (faafefiloi le faaaogāina faatasi o mataitusi lapopoa ma mataitusi laiti, o fuainumera ma faailoga [punctuation]), aemaise lava mo lau imeli ma au teugatupe o loo fai i luga o le initaneti.
- Fai ma toe sui na upu tatala.

### Wifi

- Wifi: Ia faamautinoa o loo puipuia au fesootaiga faauaealesi (wireless) – ia malosai sau upu tatala ma lau encryption o loo faaaogā.
- Afai e lē o malupuipuia le Wifi o loo e faaaogāina, ia e faaeteete i mea o loo e faia. Aua le faaaogāina se Wifi e lē o malupuipuia e fai ai au fesootaiga i au teugatupe poo isi pisinisi tau tupe.

### Imeli & Fesootaiga Faasamasamanoa (Social Media)

- Aua e te vave tatalaina ni imeli mai tagata e te lē masani ai pe e te tau masalomia. Atonu o ni imeli taufaavalea o loo faapipii mai ai ma ni software e ono faaleaga ai polokalame o lau komepiuta.
- Ia e faaeteete i links e te ono tatalaina ai ni itulau i uepaga tafa'ilagi e te lē masani ai. Afai e te lē o mautinoa, aua ne'i e tatalaina. Asiasi tau o itulau ua e talitonuina ma maufaatuatuaina.
- Aua e te soona faailoa solo i luga o imeli poo isi fesootaiga i le initaneti, faamatalaga e mataulia gofie ai oe, o au uo poo ou aiga foi.
- Siaki vaega o loo faatulaga e puipuia ai oe i luga o itulau o le initaneti o loo fesootai faasamasamanoa ai tagata.

### Saogalemu i le Komepiuta

- Saogalemu i le Komepiuta: Ia lelei ni polokalame o tuu i ai mo le puipuia.
- Fai ma faafou le polokalame e puipui ai lau komepiuta mai siama faakomepiuta (anti-virus software).
- Faamautinoa ua toe faafou lau software lea e faagaioi uma ai polokalame o le komepiuta.
- Faamautinoa ua fai uma ni kopi o au faamatalaga e teu ai ina ne'i iai se mea e tupu. A toe seti le komepiuta, ia faamautinoa ua aveese uma au faamatalaga totino ma ia faia laasaga uma e faamamā ai le hard drive.

### Tamai Masini Feaveai

- Puipuia i se upu tatala.
- Mo isi au masini o loo faaaogā ai le initaneti, faaaogā se polokalame software e puipui ai lau komepiuta mai siama faakomepiuta ma e tatau ona fai ma toe faafou lena polokalame.
- Sii mai (download) i lau komepiuta na o polokalame (apps) e te iloa e te maufaatuatuaina.

### Faatauga i Luga o le Initaneti

- Pe a fai ni faatauga i luga o le initaneti, ia faaaogā auala e saogalemu e totogi ai au faatau, e pei o le PayPal pe faaaogā lau pepa faaaitalafu (credit card).
- Ia mataala i faiga faatogafiti, o faiga taufaavalea i luga o le initaneti ma tagata e faatagā faafoliga o loo latou faatau maia ni mea.
- Ia e faamautinoa e moni ma faamaoni talosaga o loo tuuina mai e ni kamupani poo tagata taitoatasi ina ia faailoa atu ou faasinomaga poo faamaumaga o au seleni.